

Lege oinarriak



2026ko WONNOW Sarien Oinarriak

CaixaBank, S.A. finantza-erakundeak (IFZ: A-08663619; helbidea: Pintor Sorolla, 2-4, Valentzia; aurrerantzean, "CaixaBank") eta MICROSOFT IBÉRICA S.R.L. enpresak (Unipertsonala; IFK: B-78603495; helbide soziala: Paseo del Club Deportivo, 1 – Pozuelo de Alarcón, Madril; aurrerantzean, "Microsoft Ibérica") WONNOW sarien 9. ediziorako deialdia egin dute. WONNOW sariak helburutzat dute STEM arloetako (zientziak, teknologia, ingeniariak eta matematika) ikasketak egiten dituzten emakumeen bikaintasun akademiko, profesional, pertsonal eta soziala saritzea, bereziki emakumeen presentzia eskasa duten graduatan dihardutenena.

WONNOW sariak kategoria hauek dituzte: 6 hilabetez CaixaBanken lan egiteko 15 beka, 10.000 euroko sari bat eta Microsoft Ibéricaren mentoring programa bat 16 irabazleentzat. Sarietarako hautagaiak emakumezko pertsona fisikoak izan behar dute, adinez nagusiak eta egoitza fiskala Espainian dutenak, eta lege-oinarri hauetan (aurrerantzean, "Oinarriak") adierazitako betekizunak, eskakizunak eta baldintzak bete behar dituzte. Sarien modalitatea doan parte hartzeko lehiaketarena da, eta aurrerago zehaztuta dauden datetan eta baldintzetan gauzatuko da.

Sarien bidez, erakunde deitzaileek arazo sozial garrantzitsu bat gainditzeko lagundu nahi dute, eta aurrerapausoak egin nahi dituzte, proportzionalki emakumeen presentzia urria duten lan-esparru garrantzitsuetan genero-berdintasuna lortzeko.

LEHENENGOA. HAUTAGAIEN BALDINTZAK

WONNOW sarien 9. edizioan parte hartu nahi duten emakumeek baldintza hauek bete beharko dituzte:

- STEM gradu baten lehenengo 180 kredituak gaindituak izan behar dituzte, eta horien nota ofizialak eduki behar dituzte.
- Ikasten jarraitu behar dute, gradu, master, graduondoko edo doktorego batean matrikulatuta egonik.

- Graduko ikasketak Espainiako unibertsitate batean eginak izan behar dituzte, eta Kalitatea Ebaluatu eta Egiaztatzeko Agentzia Nazionalaren (ANECA) onespina izan behar dute.
- Lehiaketara aurkezteko erabiltzen duten graduak zientzia, teknologia, ingeniari eta matematikako graduen zerrendan jasota egon behar du <https://www.wonnowawards.com/eu/graduak-orrian> orrian

Gainera, lehiaketarako onartuta dauden graduen zerrendan ageri ez den STEM gradu batekin aurkeztu nahi duten ikasleek gradu hori zerrendan sartzeko aukera azter dezatela eska diezaiekete antolatzaileei, betiere adierazitako baldintzak betetzen baditu. Horretarako, graduaren ikasketa-plana eta graduko emakumeen ehunekoa adierazita dituen dokumentazioa aurkeztu beharko dute. Gradua zerrendan sartzeko, antolatzaileen irizpideak hartuko dira kontuan, eta haiek eskaera onartu edo baztertu ahalko dute.

CaixaBanken, Microsoft Ibérican, Cuerpo 8 Servicios Periodísticos enpresan edo WONNOW sarien 9. edizioaren kudeaketan, antolaketan eta hautapen-prozesuan aktiboki parte hartzen duen beste edozein enpresatan lan egiten duten profesionalak ezingo dute hautagaitzarik aurkeztu WONNOW sarien 9. edizioan, eta horien lehen mailako ahaideek ere ez.

Parte hartzeko aldian edo/eta sariak banatzeko egunean CaixaBankekin zorretan dauden hautagaiek ere ezingo dute parte hartu, mugaeguna gaindituta duen eta galdagarria den edozein kopuru zor dutela ere.

Hautagaiek emakumeak izan behar dute, eta, sariei dagokienez, emakumetzat hartuko dira Espainian une bakoitzean aplikatzekoa den legedi arruntaren arabera Erregistro Zibilean emakume gisa erregistratuta dauden eta NANaren edo agiri baliokidearen bidez hori egiaztatzen duten pertsonak.

WONNOW sarien 9. edizioan doan parte har daiteke.

BIGARRENA. HAUTAGAIEN IZEN-EMATEA

WONNOW sarien 9. edizioan parte hartzeko, beharrezkoa da eskatutako informazioa betetzea. Horretarako, www.wonnowawards.com/eu, webguneko izena emateko formularioa erabili beharko dute parte-hartzaileek. Hortik zuzenean edo CaixaBanken eta Microsoft Ibéricaren webguneetako bannerren bidez sar daitezke formulariora.

HIRUGARRENA. HAUTAGAITZAK AURKEZTEKO EPEA

Hautagaitzak aurkezteko epea 2026ko martxoaren 4an hasi, eta 2026ko ekainaren 30ean amaituko da. Erakundeak epea luzatu ahal izango du, beharrezkotzat jotzen badu.

LAUGARRENA. OINARRIAK ONARTZEA

Parte-hartzaileek oinarri hauek arretaz irakurri beharko dituzte, jakinaren gainean egoteko, eta ondoren formularioko laukitxoak markatu beharko dute, oinarriok espresuki, osorik, baldintzarik gabe eta ondorio guztietarako onartzeko.

BOSGARRENA. INFORMAZIOA ETA DOKUMENTAZIOA

Lehiaketan izena emateko, informazio hau bete beharko dute:

1. Izena (NANean, dokumentu baliokidean edo pasaportean ageri den bezala).
2. Abizenak (NANean, dokumentu baliokidean edo pasaportean ageri diren bezala).
3. NANaren, dokumentu baliokidearen edo pasaportearen zenbakia.
4. Sexua (NANean, dokumentu baliokidean edo pasaportean ageri den bezala).
5. Jaioteguna eta jaioterria.
6. Egungo helbidea.
7. Posta-kodea.
8. Helbide elektronikoa eta telefono-zenbakia.
9. Zer unibertsitatetan (bat edo gehiago) ikasten duen eta zer gradu (bat edo gehiago), master (bat edo gehiago) eta doktorego egiten ari den.
10. Hautagaitza zer saritan aurkeztu nahi duen: diruzko saria, beka edo biak.
11. STEM graduan egin eta amaitu dituen lehenengo 180 kredituen batez besteko nota. Irakasgaien arteko balioa bereizi gabe.
12. Curriculum vitae. Datu pertsonalak ez ezik, sarian kontuan hartzen diren merezimenduei buruzko informazioa ere jaso behar du. Hurrengo klausulan (seigarrena) aipatzen da.
13. Motibazio-gutuna edo -bideoa: bi modalitate hauetako baten bidez, hautagaiak bere merezimenduak azaldu beharko ditu, zer saritara (bat edo gehiago) aurkeztu den kontuan hartuta. Gutunak gehienez 700 hitz izango ditu, eta bideoak gehienez 1,5 minutu iraungo du.

Hautagaia diruzko sarira, bekara edo bietara aurkeztu den, informazio desberdina adierazi beharko du motibazio-gutunean edo -bideoan.

- Bi saritara aurkeztu bada, hurrengo bi puntuetan aipatutakoa azaldu beharko du.
- Diruzko sarira bakarrik aurkeztu bada, dirua zertarako erabiliko lukeen azaldu beharko du, baita egiaztatu ere, ahal duen neurrian.
- Beketara bakarrik aurkeztu bada, www.wonnowawards.com/eu/bekak orrian ageri diren proiektu edo arloetako zeinetan parte hartu nahiko lukeen aukeratu beharko du, eta proiektu edo arlo horretan edo horietan zer ekarpen egingo lukeen eta partaidetzatik zer lortu nahi duen azaldu beharko du.

Hautagaitza aurkezteko ez da beharrezkoa emandako informazioa egiaztatzen duen dokumentaziorik eranstea, baina sariketako lehen hautaketa-faseak gainditzen dituzten hautagaiak dokumentazio hori eta informazio gehiago eskatuko zaie, eta lehiaketatik kanpo eratutako dira, eskatutakoa garaiz eta modu egokian aurkeztu ez badute.

Diruzko sariaren hautagai finalistek nahitaez aurkeztu beharko dute unibertsitateak emandako ziurtagiri bat, non adierazita dagoen egindako lehen 180 kredituen batez besteko nota. Dokumentu hori garaiz eta modu egokian aurkeztu ez dutenak ez dira finalista izango.

SEIGARRENA. KONTUAN HARTUTAKO MEREZIMENDUAK

Hauek izango dira hautagaien merezimenduak baloratzeko irizpideak:
Sei hilabetez CaixaBanken lan egiteko ordaindutako 15 beketara aurkezten badira:

Ibilbide pertsonala, hezkuntzakoa, profesionala eta soziala. Proiektu, ikerketa, lan profesional, sari eta ikastaroetan parte hartu izana baloratuko da, eta lankidetzan aritu izana, sinposioetara joan izana, argitalpenak egin izana, hizkuntzak jakitea, eta jarduera sozial eta kulturaletan parte hartu izana, besteak beste.

Hautagaiak motibazio-gutun edo -bideoan emandako arrazoiak, ordaindutako beka lortuz gero proiektu bat edo batzuk zergatik hautatuko lituzkeen azaltzekoak.

10.000 euroko sarira aurkezten badira:

www.wonnowawards.com/eu/graduak orrian ageri den edozein gradutan egin eta amaitutako lehen 180 kredituen espediente akademikoko irakasgaien batez besteko nota edo batezbesteko haztatu gabea.

Ibilbide pertsonala, hezkuntzakoa, profesionala eta soziala. Proiektu, ikerketa, lan profesional, sari eta ikastaroetan parte hartu izana baloratuko da, eta lankidetzan aritu izana, sinposioetara joan izana, argitalpenak egin izana, hizkuntzak jakitea, eta jarduera sozial eta kulturaletan parte hartu izana, besteak beste.

Diruzko saria eskuratu nahi izanez gero, motibazio-gutun edo -bideoan dirua zertarako erabiliko luketen azaldu beharko dute, baita egiaztatu ere, ahal duen neurrian.

Bi sarietara aurkezten badira:

Lehiaketa honen I. eranskinean ageri den edozein gradutan egin eta amaitutako lehen 180 kredituen espediente akademikoko irakasgaien batez besteko nota edo batezbesteko haztatu gabea.

Ibilbide pertsonala, hezkuntzakoa, profesionala eta soziala. Proiektu, ikerketa, lan profesional, sari eta ikastaroetan parte hartu izana baloratuko da, eta lankidetzan aritu izana, sinposioetara joan izana, argitalpenak egin izana, hizkuntzak jakitea, eta jarduera sozial eta kulturaletan parte hartu izana, besteak beste.

Bi sariak lortu nahi badituzte, motibazio-gutun edo -bideorako, aurreko bi ataletan azaldutakoa hartuko da kontuan.

ZAZPIGARRENA. AZKEN FASERAKO HAUTAKETA ETA DIRUZKO SARIA JASOTZEKO ESKATUTAKO DOKUMENTAZIOA

Diruzko sariaren irabazlea hautatzeko, kanporatze-faseak egingo dira, eta antolakuntzak fase bakoitzean beharrezkotzat jotzen dituen informazio edo egiaztagiri gehiago eskatu ahal izango ditu. Informazio eta dokumentazio hori garaiz eta behar bezala ez aurkezteak hautagaitza baztertzea ekar dezake.

Hautagaiek edizio guztietan eta edozein saritan parte hartu ahal izango dute, aurkezten diren aldi-kopurua mugatu gabe.

Hautagai bat gehienez ere bi ediziotan irits daiteke diruzko sariaren finalista izatera, baina noiznahi parte hartu ahal izango du beken sarian.

Hautagai bat behin bakarrik izan daiteke diruzko sariaren irabazlea, baina noiznahi parte hartu ahal izango du beken sarian.

Enpresa laguntzaileak hautagaitza finalista batzuk aurkeztuko dizkio epaimahaiari, eta epaimahaiak horien artean aukeratuko du sariduna.

Antolakuntzak lehiaketarako aurkeztutako informazioa eta merezimenduak egiaztatzen dituen edozein informazio osagarri eska diezaieke lehiakideei, batez ere finalistei, balorazio-lanak egin ahal izateko behar besteko aurrerapenez. Dokumentazio hori aurkezten ez bada, aurkeztutakoa nahikoa ez bada edo inkoherentziak argitzeari uko egiten bazaio, hautagaitza baztertu egingo da.

Diruzko sariaren finalistek beren hautagaitzaren defentsa egin beharko dute epaimahaiaren aurrean, izan bideokonferentzia bidez edo presentzialki.

ZORTZIGARRENA. 15 BEKA-SARIETARAKO AZKEN FASERAKO HAUTAKETA ETA ESKATUTAKO DOKUMENTAZIOA

Diruzko sariaren kasuan bezala, 15 beken irabazleak hautatzeko kanporatze-faseak egingo dira, eta antolakuntzak fase bakoitzean beharrezkotzat jotzen dituen informazio edo egiaztagiri gehiago eskatu ahal izango ditu.

Informazio eta dokumentazio hori garaiz eta behar bezala ez aurkezteak hautagaitza baztertea ekar dezake.

Antolakuntzak lehiaketarako aurkeztutako informazioa eta merezimenduak egiaztatzen dituen edozein informazio osagarri eska diezaieke lehiakideei, batez ere finalistei, balorazio-lanak egin ahal izateko behar besteko aurrerapenez.

Dokumentazio hori aurkezten ez bada, aurkeztutakoa nahikoa ez bada edo inkoherentziak argitzeari uko egiten bazaio, hautagaitza baztertu egingo da.

Aurretiko hautaketa egingo da parte hartzen duten hautagaien artean, bosgarren klausulan adierazitako datuetan oinarrituta. Enpresa hautatzaileetako bat harremanetan jarriko da aurretiko hautaketan aukeratu dituzten hautagaiekin, prozesuan aurrera egiteko.

15 bekak banatzeko prozesuaren hurrengo faseetara igarotzen diren hautagaiei elkarriketa pertsonala egin ahal izango diete enpresa laguntzaile batek eta CaixaBankek, bideokonferentzia bidez edo presentzialki.

BEDERATZIGARRENA. EPAIMAHAIAREN OSAERA ETA ERABAKIAK

Epaimahaia CaixaBankeko eta Microsoft Ibéricako zuzendariak osatuko dute, eta bere erabakien jabe izango da, eta erabateko autonomia izango du hautagai irabazleak aukeratzeko.

Epaimahaiaren erabakiak gehiengoz hartuko dira. Berdinketa baldin badago, epaimahaiko buruaren botoa erabakigarria izango da. Gainera, epaimahaiak sari honen oinarriak interpretatu eta osatuko ditu, izan ditzakeen hutsuneak osatuz eta sor daitezkeen zalantzak argituz.

Diruzko sarian, aurrez finalista gisa hautatutako hautagaien artetik aukeratuko du epaimahaiak irabazle bat, eta behin betiko finalista-kopurua ere zehaztuko du bere irizpidearen arabera, bosgarren klausulan adierazitako merezimenduetan oinarrituta. Epaimahaiaren erabakia apelaezina izango da, eta haren aurka ezingo da errekurtsorik aurkeztu. Oinarri hauek onartuz gero, espresuki uko egiten zaio edozein erreklamaziori, bai hautagaiak aukeratzeko prozesuari dagokionez, bai epaimahaiaren erabakiei dagokienez.

HAMARGARRENA. SARIAK

- 15 beka-sari, hau da, ordaindutako 15 aukera profesional sei hilabetez CaixaBanken lan egiteko <https://www.wonnowawards.com/eu/bekak> orrian zehaztuta dauden arlo edo proiektuetan.
- 10.000 €-ko sari bat, ikasketekin, prestakuntzarekin edo enpresa-proiektuekin jarraitzeko edo horiek zabaltzeko (sariaren zenbateko gordina 10.000 €-koa da, eta zerga-legedi aplikagarriaren mende dago).
- Diruzko sariaren irabazleak eta beka-sarien irabazleak Microsoft Ibéricak eskainitako mentoring programa batean parte hartuko dute. Parte-hartzaileak eta Microsoft Ibéricak adostuko dituzte programa horren baldintzak.

Hautagaiak diruzko sarian, beka-sarian edo bietan parte har dezakete. Bi sarietako batean izena emateak ez du esan nahi bestean ere izena eman denik.

Aipatutako bekei dagozkien lanen ezaugarriak CaixaBanken enpresa-egituraren aukeretara egokituko dira. Lan horiek irabazle bakoitzari eskainiko zaizkio entitatearen punta-puntako arloetan. <https://www.wonnowawards.com/eu/bekak> orrian deskribatuta daude, eta arlo edo proiektuak irabazle bakoitzaren interesekin ahalik eta lotura handiena izatea helburutzat harturik ezarriko dira.

Erakundeak sari guztien ziurtagiriak emango dizkie saridunei eta finalistei.

Antolatzaileek jakinaraziko diete lehiakideei saridunak direla.

HAMAIKAGARRENA. SARIA ONARTZEA ETA SARIARI UKO EGITEA EDO ONARTU EZIN IZATEA

WONNOW 2026 sariak ezin izango dira aldatu edo konpentsatu saridunak hala eskatzen duelako.

Inolaz ere ezingo zaio sari bat eman sariduna ez den beste inori.

Edozein arrazoi tarteko, diruzko saria edo 15 bekak jaso dituztenek sariari uko egiten badiote, edo saria onartu ezin badute, hurrengo behin betiko finalistari emango zaio automatikoki, eta horrela hurrenez hurren.

Parte-hartzaile batek diruzko saria nahiz 15 beketako bat jasotzeko aukera badu, eta biak lortzen baditu, bati uko egin eta bestea mantendu ahal izango du.

Behin saridunak saria jaso duela, ezin izango du negozio juridikorik egin sariarekin.

HAMABIGARRENA. HEDAPENA ETA KOMUNIKAZIOA

CaixaBankek eta Microsoft Ibéricak lehiaketari, ekitaldiei eta lotutako jardueri buruzko informazio guztia jakinarazi ahal izango diete egokitutako jotzen dituzten erakunde eta instituzio guztiei, komunikabideen edo beste edozein dibulgazio bideren bidez. Informazio horien barruan sartzen dira irabazleei eta finalistei buruzkoak, baita haien merezimenduak frogatzen dituztenak ere. Horiek guztiak osorik, laburtuta edo partzialki zabal daitezke. Oinarri hauek onartzeak esan nahi du lehiakidea ados dagoela arestian aipatutako hedapenarekin.

HAMAHIRUGARRENA. KONFIDENTZIALTASUNA ETA DATU PERTSONALEN BABESA

Formularioan adierazitako datu pertsonalak CaixaBank, S.A.ren ("CaixaBank"; IFZ: A-08663619; helbidea: Pintor Sorolla, 2-4, Valentzia) ardurapean dauden fitxategietan sartuko dira.

Eskatutako datuak beharrezkoak dira parte hartzeko eta, hala badagokio, saria banatzeko, eta helburu hauekin erabiliko dira:

- Parte-hartzailea identifikatzeko.
- Sariketan parte hartzeko baldintzak baliozkotu eta egiaztatzeko, CaixaBankeko bezero-izaera barne, hala badagokio.
- Hautaketa eta sari-banaketa kudeatzeko, saria irabaziz gero.

Era berean, datuak CaixaBanki dagozkion arauzko betebeharrak betetzeko erabiliko dira. CaixaBankek zure datuak nola erabiltzen dituen jakiteko, informazio gehigarria duzu hemen: www.caixabank.es/particular/general/privacidad_eu.html.

CaixaBanki dagokion legezko betebeharrak bat betetzeko, datu pertsonalak agintari eta erakunde publikoei jakinarazi ahal izango zaizkie, baita sari hau kudeatzeko beharrezkoak diren zerbitzu hornitzaileei eta hirugarrenei ere.

Sari honetan parte hartzeko baimenak indarrean dauden bitartean erabiliko dira datuak; aurrekoa deusetan ukatu gabe, saria ematen denetik 30 egun igaro ondoren blokeatu egingo dira, eta gorde egingo dira (harreman horien ondoriozko egintzak preskribatu arte), soil-soilik legezko betebeharrak betetzeko eta erreklamazioak egin, baliatu edo defendatzeko.

Indarrean dagoen araudiaren arabera, Datu Pertsonalak Babesteko Agintaritzaren aurrean baliatu ahal izango dira eskubideak eta erreklamazioak, Valentziako 209-46080 posta kutxan edo www1.caixabank.es/apl/particulares/gdpr/index_eu.html orrian.

Datuen babeserako ordezkariarekin harremanetan jartzeko: www.caixabank.es/particular/general/dpo_eu.html.

HAMALAUGARRENA. IZENA ERABILTZEKO BAIMENA ETA IRUDI-ESKUBIDEAK EMATEA

Saria onartzean, irabazleak eta finalisteak baimena ematen diete CaixaBanki eta Microsoft Ibéricari, eta dagokion baimen-dokumentuaren bidez berariaz baimentzen dituzte honako hauetarako: beren izen-abizenak erabiltzeko; argazki, filmaketa edo beste edozein ikus-entzunezko grabaketa bidez beren irudia atzeman eta finkatzeko; irudi hori edozein motatako ekitaldi, publizitate, sustapen, argitalpen edo hedapen-ekintzatan erreproduzitu eta argitaratzeko, edozelakoa izanda ere (telebista, Internet, sare sozialak edo beste batzuk), 2026ko WONNOW sariarekin zerikusia duten xede informatibo eta sustatzaileetarako. Horretarako, bi aldeek zorrotz beteko dituzte Datu Pertsonalak Babesteko araudiak eta Ohorerako, Norberaren eta

Familiaren Intimitaterako eta Norberaren Irudirako Eskubidearen Babes Zibilari buruzko 1/1982 Lege Organikoak ezartzen dizkieten betebeharrak.

Azkenean hautatzen diren argazki eta grabazioak inolako aldaketarik egin gabe erabili ahal izango dira, baita modu konposatu edo distortsionatuan ere, irudi finko edo bizidunean, dagokion egokitzapena eginez.

Ondorio beretarako, beren irudia ustiatzeko eskubide guztiak lagatzen eta transferitzen dizkiete CaixaBanki eta Microsoft Ibéricari, eskusiboki eta doan, munduko herrialde guztiak hartzen dituen eremu geografikorako, eta 5 urterako, horren barruan daudelarik irudiak erreproduzitzeko, eraldatzeko, banatzeko, publikoki jakinarazteko eta inoren esku uzteko eskubideak, lehen aipatutako publizitate helburuetarako.

Eskubide horiek baimendu eta lagata zera onartzen da, halaber, publizitaterako eta barne-komunikaziorako egokia den edozein komunikazio-bidetatik irudia erreproduzitzea, digitalizatzea eta argitaratzea, irudiaren euskarriak erreproduzitzuz, banatuz, argitaratuz eta eskuragarri jarritz; euskarri horiek edozein eratakoak izan daitezke —papera, analogikoak, digitalak edo beste edozein—, eta edozein formatutakoak —argazkia, argazki digitala, bideofilma, CDa, DVDa edo beste edozein—.

HAMABOSGARRENA. ERREKLAMATZEKO EPEA

Lehiaketari buruzko erreklamazioak saridunak jakinarazi edo saria esleitu eta 15 egunera arte egin ahal izango dira, consultas@wonnnowawards.com helbidera bidalitako idazki baten bidez. Erreklamatzeko aukera horretan ez dira sartzen zortzigarren klausulan espresuki erreklamaziotik kanpo utzitako gaiei buruzko erreklamazioak.

HAMASEIGARRENA. APLIKATU BEHARREKO LEGEA ETA JURISDIKZIOA

Lehiaketaren oinarriak Espainiako legeak arautzen ditu. CaixaBank, Microsoft Ibérica eta hautagaiak Espainiako lege prozesalen arabera aplikagarri zaizkien epaitegi eta auzitegien jurisdikzioaren mende egongo dira.